

حكم العسكر .. زوجة معتقل بالعقرب تروي تفاصيل الزيارات الصعبة



الأربعاء 20 يوليو 2016 12:07 م

زوجة معتقل بالعقرب تروي تفاصيل الزيارات الصعبة:

بعد إعتقال زوجى بحوالى ٤ شهور ومع أول زيارة لنا إتصمت بشكل الزيارة من وراء الحاجز الزجاجى وسماعة التليفون التى يتم التنصت من خلالها على الزيارة
زيارة وإثنين وبدأوا يمنعوا سلام الزوجة وكانوا بيتعمدا يسيبوا الباب مفتوح علشان يحسسوننا بالحسرة إنه قدامنا ومش قادرين نسلم عليه فى أول مرتين كان بيغلبنى البكاء ومقدرش أمسك نفسى
بعد كدة قررت إنى مش هخليهم يشوفوا دموعى مهما كان شعورى بالألم والحسرة أكيد إن شاء الله ربنا هيعوضنا أنس لا وحشة بعده لكن فى زيارة أمس لما دخلنا نזור كان معايا رحاب وحفصة وإسراء بنتى وتوأماها (حور وحمزة) لم يتعد عمرهم الشهر السادس وبعد إنتهاء الزيارة ٥ دقائق من وراء حائل قالوا الأطفال إللى هتسلم
خرجت أنا على أمل إن إسراء تدخل بأولادها
رفض الضابط المسئول دخول إسراء وقال الأطفال بس
طيب الأطفال مين هيشيلهم بص لرحاب وقال هى تشيلهم هما الإثنين طب إزاي؟؟ هو كدة
دخلت رحاب وحفصة ومعاهم التؤام إللى فضلوا يصرخوا (وكانت أول مرة زوجى يسلم عليهم)
إحنا واقفين بره وبيننا وبينهم بوابة مقفولة وسامعين صراخهم وزوجى عمال يزعق ويقولهم فين الرحمة ذنبهم إيه الأطفال دى ؟
ليه تحرمونى من فرحتى ببنتى وهى داخلة عليا بأولادها؟ (إسراء أبوها محاضرش فرحها)
وطبعا كلام كتير كل دا وإحنا واقفين بره وسامعين
ملحوظة

إحنا لما بنروح الزيارة بنلاقى معظم الضباط ماشاء الله عليهم السبح فى أيدهم ويبصلوا الوقت فى وقته وعندهم زيبعة
سؤال

مين أفتى لسبادتك إن طول ما سبحتك فى إيدك وسجadtك معاك وزبيبتك فى جبهتك وبتصوم كمان
أظلم وعذب وإمنع أكل وزيارة عن المعتقلين وهين أهاليهم ولا ترحم صغارهم تبقى هتخش الجنة
أنا لا أستبعد إن الخسيس بيخلى شيوخ السبوبة يبيحوا لهم ما يفعلوا
لكن دا لا يعفيهم من الجرم والمسؤولية أمام الله
سنقف أمام الله ونقتص من أصغر عسكرى فيكم لأعلى رتبة ولن تنفعم صلاتكم ولا سبحتكم وزبيبتكم